


Iza i Jesosy Kristy? Fizarana 3

Miorina amin'ny boky *Inona Marina no Ampianarin'ny Baiboly?* toko 4, azo jerena ato amin'ny jw.org.

TANJONA: Hamantatra hoe inona no inoanao ary nahoana, handinika izay ampianarin'ny Baiboly, ary hijery ny fomba hanazavana an'izay inoanao amin'ny hafa.



OLONA HOATRAN'NY AHOANA I JESOSY?

1 FANTARO IZAY INOANAO

Inona no mety holazain'ny olona?

Ary *ianao*, inona no inoanao?

Nahoana ianao no mino an'izany?


Nanahaka tanteraka an'i Jehovah Rainy i Jesosy.
(Jereo ny boky *Ampianarina*, toko 4, fehintsoratra 15-19.)

Vakio ny Jaona 14:9.

Inona no tian'i Jesosy holazaina rehefa niteny izy hoe: "Izay nahita ahy dia nahita ny Ray koa"?

Vakio ny Matio 9:35, 36; 21:12, 13; sy ny Marka 10:13-16.

Ahoana no nampisehoan'i Jesosy hoe tena tsara fanahy izy na dia natanjaka be aza?



Miezaka mamoka ny fihetseham-pon'ilay olona miteny ny mpandika teny mahay fa tsy hoe mandika ny teniny fotsiny. Toy izany koa i Jesosy. Nampita tsara ny hevitra ny Rainy sy ny fihetseham-pony izy

Tsy nivadika i Jesosy.

(Jereo ny boky *Ampianarina*, toko 4, fehintsoratra 20.)

Vakio ny Matio 4:1-11.

Ahoana no nampisehoan'i Jesosy hoe tsy nivadika tamin'Andriamanitra izy rehefa naka fanahy azy i Satana?

Nanetry tena i Jesosy.

(Jereo ny boky *Ampianarina*, toko 4, fehintsoratra 21-22.)

Vakio ny Filipianina 2:8.

Nahoana i Jesosy no nila nanetry tena mba hankatoavana an'Andriamanitra?

Inona avy ny toetran'i Jesosy tianao indrindra?

3

HAZAVAO IZAY INOANAO

RAHA MISY MITENY HOE...

Tsy ho fantatsika mihitsy hoe hoatran'ny ahoana Andriamanitra satria mbola tsisy olona nahita azy.

DIA AZONAO VALIANA HOE...

Marina fa mbola tsisy nahita an'Andriamanitra. Mino anefa aho hoe afaka mampianatra antsika momba azy i Jesosy satria...

Inona ny andinin-teny azonao resahina amin'ilay olona?

Ahoana no hanazavanao an'io andinin-teny io amin'ilay olona?

RAHA MISY MITENY HOE...

Tsy tena lehilahy i Jesosy satria resaka hatsaram-panahy sy fitiavana fotsiny no mba nampianariny.

DIA AZONAO VALIANA HOE...

Betsaka ny olona miombon-kevitra amin'izany. Tsy mino an'izany anefa aho satria...

Inona ny andinin-teny azonao resahina amin'ilay olona?

Ahoana no hanazavanao an'io andinin-teny io amin'ilay olona?
